

Kerajaan akan terus kawal defisit: PM

KUALA LUMPUR, Jumaat — Kerajaan akan terus melaksanakan dasar-dasar penyesuaian untuk mengawal defisit dan mengurangkan khidmat bayaran hutang walaupun prospek masa depan ekonomi negara agak muram.

Perdana Menteri, Datuk Seri Dr Mahathir Mohamad, berkata pelaksanaan sesuatu rancangan tidak berakhir dalam sesuatu tempoh yang tertentu tetapi adalah satu proses yang berterusan.

"Kita mempunyai potensi untuk membangun, tetapi ini bergantung kepada kebolehan kita un-

tuk menguruskan sumber-sumber yang terhad dengan berkesan dan mengatasi masalah yang ditimbulkan oleh faktor-faktor luar.

Bahan

Berucap membentangkan Rancangan Malaysia Kelima (RML) di Dewan Rakyat petang ini, Perdana Menteri berkata dalam usaha memastikan struktur kewangan yang kukuh dan mengadakan suasana menggalakkan, satu dasar kewangan yang sesuai akan dilaksanakan.

"Dasar fiskal akan terus ditumpukan terhadap keperluan untuk

memperkuhkan perbelanjaan sektor awam, mengawal pinjaman luar dan memperbaiki kaedah pengurusan hutang negara," katanya.

Beliau berkata walaupun negara dijangka menghadapi masa yang mençabar, pada keseluruhannya Keluaran Dalam Negari Kasar (KDNK) dijangka berkembang pada kadar lima peratus setahun dalam tempoh RML, berbanding 5.8 peratus yang dicapai dalam Rancangan Malaysia Keempat (RME).

"Pertumbuhan yang dijangkakan ini akan bergantung kepada perkembangan pesat kegiatan dalam negeri, teru-

tama pembinaan rumah kos rendah dan jalan yang menggunakan lebih banyak bahan tempatan serta kegiatan sektor pertanian yang memberi keutamaan kepada keluaran bahan makanan," katanya.

Menurutnya, walaupun jangkaan pertumbuhan ekonomi sebanyak lima peratus adalah optimis, angka itu hanyalah satu anggaran secara purata untuk lima tahun akan datang.

"Untuk lebih realistik, andaian pencapaian RML perlu dikaji semula dari masa ke masa dan diubahsuaikan berdasarkan perubahan yang sedang dan akan berlaku," katanya.